



74
6288
10

74





大明集禮卷二十六

五味均平藏

嘉禮十

皇太子納妃

總序

皇太子納妃。所以重胤嗣也。**周秦**已上莫攷其儀。**漢**制皇太子納妃。以奉常迎而不親迎。宋文帝時。太子納妃。儀文與納后不異。百官上禮於太極殿西堂叙宴。**北齊**皇太子納妃。皇帝遣使納采。以宗正卿為使。問名。納吉。請期。皆如之。納



74
6288
10

徵則以司徒及尚書令為使。親迎則以太尉為使。三日。妃朝皇帝於昭陽殿。又朝皇后於宣光殿。擇日。群臣上禮。他日。皇太子拜閣。**隋**皇太子納妃。皇帝臨軒遣使者受詔納采問名。次擇日納吉。又擇日納徵。告期訖。命有司以特牲告廟行冊禮。皇太子將親迎。皇帝臨軒醮戒。妃至宮之明日。朝見皇帝皇后。**唐**皇太子納妃。皇帝臨軒遣使。行納采。問名。納吉。納徵。請期之禮。次遣官告宗廟。然後行冊禮。皇太子將親迎。皇帝臨軒醮戒。妃至宮。同牢於內殿。明日朝見皇帝皇后。皇帝會群臣於大極殿。如正至之儀。**宋**皇太子納妃。其六禮皆與唐同。妃朝見之明日。又至皇帝皇后閣內行盥饋之禮。皇帝皇后復饗妃如宮中之儀。今擬

國朝

皇太子納妃。

皇帝臨軒命使納采問名。既卜吉。復命使納徵。請期。又遣官以特牲奏告。

大月集禮 卷二十一 六

宗廟遣使備冊寶禮物至

妃第行冊禮

皇太子將親迎

皇帝臨軒醮戒至

妃第親迎還宮同牢於內殿明日

妃朝見

皇帝

皇后

皇帝

皇后閣內行盥饋之禮

皇帝

皇后宴饗

妃及

皇太子如宮中之儀今考歷代儀文以著于篇

冠服

皇太子納妃服袞冕九章妃首飾花釵九樹

服用褕翟衣皇太子納妃皇帝臨軒遣使服

袞冕醮戒服通天冠絳紗袍皇太子服袞冕九

章。妃服。褕翟衣。首飾。花九樹。**宋**皇太子納妃。皇帝遣使。醮戒。皆服通天冠。絳紗袍。皇太子皆服袞冕。執圭。親迎同。妃服與唐制同。今擬

國朝

皇太子妃冠服。見冠服篇。

車輅

見冊拜篇。車輅篇

冊寶

見冊拜篇。

禮物

晉太子昏。納徵。用玄纁束帛。加璧馬二駟。**東晉**用玉璧一。獸皮二。**宋**文帝用瑤璋各一。熊羆皮各二。**北齊**皇太子聘禮。納采。問名。請期。親迎。皆用羔羊一口。鴈一隻。黍稷米麵各一斛。納徵。用玄三匹。纁二匹。束帛十匹。大璋一。虎皮二。錦綵六十匹。絹二百匹。羔羊一口。羊四頭。犢二頭。酒黍稷稻米麵各十斛。從車百乘。**唐**納采。問名。納吉。請期。親迎。皆用鴈。納徵。用玄纁束帛。乘馬穀

珪。六禮禮物皆與唐同。今擬

國朝

樂

唐遣使納采。展宮懸醮。戒於太極殿。設宮懸。宋大晟展宮架之樂於文德殿。皆備而不作。

祭告

唐皇太子納妃。納徵。告期訖。遣有司以特牲告于廟。宋皇太子將親迎。差官奏告太廟及諸陵。如常告之儀。今擬

國朝

遣官以太牢告廟。其儀與常告同。

問名

唐使者納采畢。既出。立於門外。主昏者使儻者請事。使者曰。某將加卜筮。奉制問名。主昏者曰。制以某之子。備數於儲宮。臣某不敢辭。使者入陳鴈。主昏者再拜受鴈。曰。臣某第幾女。某氏出禮畢。主昏者曰。某公為某事。故至於某之室。某有先人之禮。請禮從者。其儀與天子納后醴賓同。今擬

大明集禮卷二十六
五
注。國朝使者納采訖就再入問名其詳見問名儀

納吉

唐皇太子納妃既問名卜吉皇帝復臨軒遣使者至妃氏第納吉既至妃第使者曰加諸卜筮占曰協從制使某也納吉主昏者曰臣某之子弗教唯恐不堪龜筮云吉臣某謹奉典制再拜受鴈又再拜其禮使者如問名之儀宋既問名乃遣使至妃氏第曰謀諸卜筮其占協從制使

某告吉主昏者曰臣某之子蠢愚懼弗克堪卜筮云吉惟臣之幸臣謹奉典制其受鴈禮使者皆與唐同今擬

國朝

皇太子納妃既問名卜吉

皇帝御奉天殿遣使納吉其詳見納采儀注

納徵

唐既納吉遣使奉玄纁束帛乘馬穀珪至妃氏第納徵既至使者曰制使某以玉帛乘馬納徵儂者入告主昏者曰奉制賜臣以重禮臣某祇奉典常再拜稽首北面受玉帛乘馬又再拜其禮使者如納吉儀宋遣使奉玄纁玉珪至妃氏第使者曰卜筮不違嘉偶既定制使某以儀物告成儂者入告主昏者曰奉制賜臣以重禮臣某謹奉典制其受玉帛禮使者皆與唐同

國朝

皇太子納

妃遣使備物納徵其詳見納徵儀注

請期

唐既納徵遣使者用鴈請期至妃第使者曰詢於龜筮某月日吉制使某告期主昏者受命受鴈一如納吉之儀宋遣使請期使者至妃第請曰消辰之良某月某日吉制使某告期主人曰臣某謹奉制再拜受鴈其儀皆與唐同今擬

國朝

皇太子納妃納徵訖遣使請期其儀詳見儀注

奏告

唐既告期後有司以特牲告廟如常禮祝文臨時撰。**宋**告期後太史局擇日差官奏告太廟景靈宮諸陵今擬

國朝

皇太子納妃既請期遣官以特牲告

太廟其儀與宗廟篇奏告儀同

受冊

唐既告期遣使持節奉冊寶。纒車輅儀仗鼓吹掌嚴奉禴翟衣首飾至妃氏第。主昏者朝服出迎於大門之外。既入使副以冊寶授內侍。內侍受冊寶以授典內。典內奉冊寶入立於閤外。傅姆贊妃出立於庭中。掌書跪取冊寶興進立於妃前。司則贊妃再拜訖。掌書以冊寶授司則。司則受冊寶進授妃。妃受以授司閤。司則又贊妃再拜訖。司則請妃陞座。宦官以下皆再拜訖。司閤引妃入閣。主昏者禮使者如禮賓之儀。**宋**

冊皇太子妃遣使副奉冊印儀仗車輅宮人奉首飾褙衣至妃第使副以冊印授內侍內侍受冊印入授內謁者內謁者持冊印入立於庭中傳姆贊妃出閣降階向闕再拜訖內侍奉印冊授妃妃受冊印以授執事者又再拜內侍引妃陞座諸宮人皆再拜畢傳姆引妃還內今擬

國朝冊

皇太子妃

皇帝遣使奉冊寶車輅儀仗宮人奉冠服至

妃氏第行冊拜禮其儀詳見儀注

醮戒

唐皇太子將親迎服衮冕備儀仗乘金輅左庶子負壘前導至承天門下降輅至東朝堂皇帝服通天冠絳紗袍御太極殿西向坐羣官再拜訖舍人引皇太子至樂懸南北面再拜舍人引皇太子詣西階脫舄陞就席西南面立尚食奉御酌酒進皇太子皇太子再拜受爵尚食薦脯醢皇太子祭酒及脯醢訖降席西南面坐啐酒

奠爵。又再拜。舍人引皇太子進御座前。東面立。皇帝命之曰。往迎爾相。承我宗事。勗帥以敬。皇太子曰。臣某謹奉制旨。遂再拜。舍人引皇太子降西階。納舄訖。舍人引出。宋皇太子納妃。將親迎。皇帝御文德殿。皇太子具衮冕入就位。百官朝服就拜位。皇太子搢圭。舞蹈再拜。百官皆搢笏。舞蹈再拜。引皇太子由西階陞。東面立。內侍進酒。皇太子跪。搢圭受醴。大官令奉饌。皇太子飲食訖。降階北面。又再拜。太常博士引皇太子詣御座前。西面立。皇帝命之曰。親迎。惟古趨辰之良。往帥以恭。皇太子曰。臣謹奉制。引皇太子降階北面。又再拜訖。引出。今擬



皇太子將親迎。

皇帝御

奉天殿醮戒。其儀詳見儀注。

親迎

唐皇太子既受命。遂親迎至妃第。妃服褕翟衣。

花釵立于東房。主婦著禮衣，鈿釵立妃北。主婦者公服出迎大門之外，西面再拜。皇太子答拜。主婦者揖皇太子先入。皇太子執鴈從入。進當房戶前，北面跪奠鴈，再拜降出。傅姆導妃出，父戒之曰：戒之敬之。夙夜無違命。毋施襟結帨。命之曰：勉之戒之。夙夜無違。庶毋及門內施鞶。申之以父母之命。曰：敬恭聽宗爾父母之言。夙夜無愆。視諸襟鞶。妃出至輅後。皇太子授綏。姆辭不受。曰：未教不足以為禮。妃陞輅，乘以几。几謂將上

車而登。乘以几。尚安舒。姆加幪。幪制如明衣。架皇太子馭


輪三周。馭者代之。皇太子出大門，乘輅還宮。妃伏次於後以行。**宋**皇太子親迎之禮，與唐同，而無授綏馭輪之儀。今擬



皇太子親迎。具袞冕服，乘金輅。備儀仗至妃第。其詳見親迎儀注。

合巹

唐皇太子同牢之禮。設幄於內殿室，西廂東向。

設同牢之席於室內。皇太子西廂，妃東廂。席間容牢饌。設四爵兩盃。妃至宮門，鹵簿仗衛停門外。妃乘輅至左閤門外，降輅，就次整飾。司閤引妃詣內殿門西，東面立。皇太子揖妃以入。妃即席，西向立。皇太子東向立。司饌奉饌，設皇太子及妃座前。皇太子及妃俱坐。司饌設黍醬菹醢及肺，進授皇太子及妃。皇太子及妃受黍稷及肺，皆祭訖。司饌嘗食。皇太子及妃皆食。三飯。卒食。司饌進酒。皇太子及妃俱再拜祭酒。訖。三醑。用盃。卒爵。司饌徹饌。皇太子入東房，釋冕服，著袴褶。妃入幄。媵餽皇太子之饌。御餽妃之饌。皇太子同牢，設席於寢門之內。皇太子揖妃俱入。盥洗訖。掌事者設酒饌。皇太子揖妃皆坐。司饌告饌具。贊者二人奉酒以授皇太子及妃。皇太子及妃受酒飲畢，遂薦饌再飲。三飲如初儀。訖。皇太子及妃俱興再拜。餘如唐儀。今擬。

國朝

皇太子及妃同牢。設幄於東宮之內殿。行同牢禮。詳見同牢儀注。

妃朝見

唐皇太子妃朝見。先設皇帝座於所御殿之東西向。設皇后座於室戶外之西。近北南向。其日。妃沐浴服褕翟首飾。乘厭翟車至宮。降車立於閣外之西。皇帝服通天冠絳紗袍。皇后服褙衣首飾。皆即御座。妃奉筭竹器。緇。長練。裏。棗栗。司饌執版版。丁。以從。司則引妃入立於庭北。面再拜訖。

司言引妃陞自西階。跪奠棗栗於御座前。皇帝撫之。司言引妃降立於庭。又北面再拜訖。司言引妃陞。跪奠版脩於皇后座前。皇后撫之。司言引妃退立於西序。東向再拜。司設設妃席於戶牖之間。司言引妃再拜受醴。尚食薦脯醢。妃祭畢。降席取觶。坐奠訖。興祭於豆間。食畢。司賓引妃降自西階。出閣。乘車還宮。**宋**妃朝見。皇帝皇后。其儀與唐同。皇帝皇后體妃如宮中儀。今擬



皇太子妃朝見則於宮中內殿奉棗栗服脩行朝見之禮其儀詳見儀注。

盥饋

宋太子妃既朝見則有盥饋之儀其日妃夙興沐浴服綸翟首飾至閣外俟皇帝進膳司賓引妃入再拜訖奉膳進置於皇帝前司賓引復位又再拜訖司賓引妃出詣皇后閣外俟皇后進膳妃再拜奉膳進皇后如前儀又再拜司賓引妃出皇帝皇后饗妃如宮中之儀今擬



皇太子妃既朝見盥饋於

皇帝

皇后其儀見盥饋儀注。

會群臣

唐制皇太子納妃皇帝會群臣於太極殿如正至之儀唯上壽辭云皇太子嘉聘禮成克崇景福基等不勝慶抃謹上千秋萬歲壽。

遣使儀注

前期禮部移文太史院擇日。奏聞命所司備鴈及他禮物以伺。又取制命。某官為使。某官為副。使告示文武百官於

皇城守宿。至日。鐘鳴後。具朝服侍班。前一日。內使監設

御座香案於

奉天殿正中。如常儀。尚寶卿設寶案於

御座之南。禮部官陳設鴈及他禮物於

丹陛上。侍儀司設承制官位於殿上

御座之東。及

丹陛之東南。設使者及副使拜位於

丹墀內道之西。東上北向。贊禮二人於

丹陛上之南。東西相向。司贊二人位於使者拜

位之北。東西相向。知班二人位於司贊之南。東

西相向。文武百官侍立於

文武樓之北。東西相向。設引文武班舍人四人

位於文武官之北。稍後。東西相向。引使者二人

位於使者拜位之北。西立。東向。拱衛司。光祿寺

大明集禮 卷二十六 十五
官對立於

奉天殿門之左右東西相向將軍二人位於殿
上簾前東西相向將軍六人位於

奉天門之左右東西相向又將軍四人位於

丹陛上之四隅東西相向又將軍六人位於

奉天殿之左右東西相向鳴鞭四人於

丹陛上北向設執鴈及執禮物者位於

丹陛下之西東向是日金吾衛陳設甲士儀仗
於

午門外之東西拱衛司陳設儀仗於

丹墀

丹陛之東西和聲即設樂於

丹墀之南備而不作侍儀司陳設儀仗大樂於

奉天門外正中質明擊鼓初嚴催班舍人催百

官具朝服導

駕官侍從官入迎

車駕次嚴引班舍人引文武百官入執侍立位

引禮官引使者具朝服立

丹墀之西以伺諸執事者各就位。三嚴侍儀奏外辦。御用監跪奏請

皇帝服袞冕尚寶卿奉

寶前導侍從道引如常儀至

奉天殿陞

御座捲簾鳴鞭雜唱報時訖引禮引使者及副使各就

丹墀拜位贊禮唱鞠躬拜興拜興拜興拜興平身使副鞠躬拜興拜興拜興拜興平身承制官

進論

御座前跪承制訖由中門出至

丹陛上宣制位。稱有制贊禮唱跪使副皆跪承

制官宣制曰奉制納某氏女為

皇太子妃。

皇帝制使卿等行納采禮宣制訖承制官由西門入典儀唱俯伏興平身使副俯伏興平身贊禮唱鞠躬拜興拜興拜興拜興平身使副鞠躬拜興拜興拜興拜興平身引禮引使副退立於

西。執鴈者及執禮物者由西階陞。取鴈及他禮物自中陞降。執鴈者在。前。執禮物者次之。使者從其後。至。奉天門外。儀仗鼓吹導引以行。初使者出。贊禮唱禮畢。侍儀跪奏禮畢。皇帝駕興。百官以次出。

納采儀注

前一日。有司設使副次於

妃氏大門外南向。設使副序立。位於大門外之

東西向北上。設主昏者序立。位於大門內之西。東向。設香案於廳上之正中。設使副立。位於香案之東。西向北上。設主昏者受制。位於香案之南。北向。設贊禮位於廳下。主昏者拜位之北。東西相向。設儻者二人。位於贊禮之南。東西相向。設引使者二人。位於廳上南楹之左右。東西相向。其日。使者奉制。執鴈及禮物至。

妃氏第。儀仗鼓吹分列於大門外之左右。使者下馬。引禮引入次。執事者陳禮物於大門之外。

儂者引主人朝服序立於大門內之西東向引禮引使者出次立於大門外之東執鴈者立於其南皆西向儂者出詣使者前曰敢請事使者曰奉制

儲宮納配屬於令德邦有典常使某行采擇之禮儂者入告主昏者曰臣某之子昧於閭儀不足以備采擇恭承制命臣某不敢辭儂者出告訖入引主昏者出迎於大門之南北面立贊禮唱鞠躬拜興拜興平身主昏者鞠躬拜興拜興

平身使者不答拜主昏揖使者先入立於西階之下引禮引使者陞自東階立於香案之東執鴈者立於使者之南執事者陳禮物於庭儂者引主昏者就拜位贊禮唱鞠躬拜興拜興拜興拜興平身主昏者鞠躬拜興拜興拜興平身儂者引主昏者陞自西階至香案前北向立使者稱有制儂者唱跪主昏者跪使者宣制曰恭奉詔采擇執鴈者以鴈授使者使者受鴈以授主昏者主昏者受鴈興以授左右儂者引主

昏者降自西階就拜位立定贊禮唱鞠躬拜興拜興拜興拜興平身主昏者鞠躬拜興拜興拜興平身贊禮唱禮畢儂者引主昏者退立於西階引禮引使副降自東階以出主昏者帥諸執事各收禮物

問名儀注

使副納采既出立於中門外之東西面主昏者立於西階之下儂者進受命出詣使者前曰敢請事使者曰

儲宮之配采擇既諧將加卜筮奉制問名儂者入告主昏者曰制以臣某之女可以奉侍儲宮臣某不敢辭儂者出告訖入引主昏者出迎使副於中門外之南北面贊者唱鞠躬拜興拜興平身主昏者鞠躬拜興拜興平身使者不答拜儂者引主昏者先入立於西階之下引禮引使副入門陞自東階立於香案之左執鴈者立於使者之南皆西向執事者各陳禮物於庭儂者引主昏者就拜位贊禮唱鞠躬拜興拜興

平身。主昏者鞠躬拜興。拜興平身。儂者引主昏者。陞自西階。至香案前。北向立。使者稱有制。贊禮唱跪。主昏者跪。使者曰。臣某奉詔問名。將謀諸卜筮。主昏者曰。臣某第幾女某氏出。被預采擇。聞命祇懼。既蒙制問。臣不敢辭。執鴈者以鴈進授使者。使者受鴈以授主昏者。主昏者受鴈興。以授左右。儂者引主昏者降東階。就拜位立。贊禮唱鞠躬拜興。拜興平身。主昏者鞠躬拜興。拜興平身。贊禮唱禮畢。儂者引主昏者退立於西。引禮引使者降自東階。立於中門外之東。西面。儂者受主昏者之命。出詣使者前。請曰。某公奉制命至某之室。請禮從者。使者曰。某既得將事。敢辭。儂者入告。主昏者曰。先人之禮。敢固以請。儂者出告。使者曰。某辭不獲。聞命敢不從。執事者徹香案。引禮引使者入。陞階即座。行飲食之禮。主昏者奉幣禮。使者畢。使副還。主昏者送于門外。

告吉儀注

前一日。有司設使副次於

妃氏大門之外。設使副序立位於大門外之東。西向北上。設主昏者序立位於大門內之西東。向設香案於廳上之正中。設使副立位於香案之東。西向北上。設主昏者受制位於香案之南。北向。設贊禮位於廳下主昏者拜位之北。東西相向。設儂者二人位於贊禮之南。東西相向。設引使者二人位於廳上南楹之左右。東西相向。其日。使者奉制執鴈及禮物至。

妃氏第。儀仗鼓吹分列於大門外之左右。使者下馬。引禮引入次。執事者陳禮於大門之外。儂者引主昏者朝服序立於大門內之西東。向。引禮引使者出次。立於大門外之東。執鴈者立於其南。皆西向。儂者進受命。出詣使者前。請曰。敢請事。使者曰。謀諸卜筮。其占協從。制使某告吉。儂者入告。主昏者曰。臣某之子。蠢愚。懼弗克堪。卜筮云吉。惟臣之幸。臣謹奉典制。儂者出告。訖。入引主昏者。迎於大門外之南北面。贊禮唱鞠。

躬拜興。拜興平身。主昏者鞠躬拜興。拜興平身。賓者引主昏者揖使者先入。立於西階之下。引禮引使者入。陞自東階。立於香案之左。執鴈者立於使者之南。俱西向。執事者陳禮物於庭。賓者引主昏者就拜位。北向立。贊禮唱鞠躬拜興。拜興平身。主昏者鞠躬拜興。拜興平身。賓者引主昏者。自西階陞。至香案前。北向立。使者稱有制。賓者唱跪。主昏者跪。使者宣制曰。奉制告吉。執鴈者以鴈進授使者。使者受鴈以授主昏者。主昏者跪受鴈。興以授左。賓者引主昏者。降自西階。就拜位。立定。贊禮唱鞠躬拜興。拜興平身。主昏者鞠躬拜興。拜興平身。贊禮唱禮畢。賓者引主昏者退。立於西。引禮引使者出。立於中門外之東。賓者出。請使者禮待。如問名之儀。

納徵儀注

前一日。有司設使副次於

妃氏大門之外。南面。設使者序。立位於大門之東西。向北。上。設主昏者序。立位於大門內之西。

大明集禮卷之三十六
三十一
東向。設香案於廳上之正中。設使副位於香案之東。西向北上。設主昏者受制位於香案之南。北向。設贊禮位於廳下。主昏者拜位之北。東西相向。設儂者二人位於贊禮之南。東西相向。設引使者二人位於廳上南楹之左右。東西相向。其日。使者奉玄纁束帛。穀珪至。

妃氏第大門外。儀仗分列於門外之左右。引禮引使者入就次。執事者陳設禮物於大門外。設至帛案於正中。儂者引主人立於大門內之西。引禮引使者出次。立於大門外之東。儂者進受命。出詣使者前。請曰。敢請事。使者曰。卜筮不違。嘉偶既定。制使某以儀物告成。儂者入告。主昏者曰。奉制賜臣以重禮。臣某謹奉典制。儂者出告訖。入引主昏者出迎於大門外之南。北面贊禮。唱鞠躬拜興。拜興。平身。主昏者鞠躬拜興。拜興。平身。使者不答拜。儂者引主昏者揖。使者先入。立於西階之下。引禮引使副入。執事者舉玉帛案先行。奉玉帛者次之。諸執禮物者又次之。

至廳。執事者以玉帛案置於香案之北。使者立於玉帛案之左。奉玉帛者立於使者之南。稍後。舉案者退立於西。諸執事者各陳禮物於庭。僎者引主昏者就拜位。贊禮唱鞠躬拜興。拜興。平身。主昏者鞠躬拜興。平身。僎者引主昏者陞自西階。至玉帛案前。使者稱有制。僎者唱跪。主昏者跪。使者宣制曰。某奉制告成。奉玉帛者就案取玉帛以授使者。使者受玉帛以授主昏者。主昏者跪受玉帛。興以授左右。僎者引主昏者降自西階。就拜位立定。贊禮唱鞠躬拜興。拜興。平身。主昏者鞠躬拜興。平身。贊禮唱禮畢。僎者引主昏者退立於西。引禮引使副降自東階以出。主昏者帥諸執事各收禮物。

請期儀注

其儀與納吉同。唯辭曰。詢於龜筮。某月某日制。使某告期。主昏者曰。敢不承命。

祭告儀注

其儀見宗廟篇。

大明集禮 卷二十六
遣使奉冊儀注

前期太史院擇日翰林院撰冊文工部造冊寶
綸翟首飾車輅儀仗禮部備合用禮物及冊寶
案訖奏取

旨以某官為授冊使某官為授寶使某官為奉
冊官某官為奉寶只官某官為主節官某官為承
制官告示文武百官於

皇城守宿是日鳴鐘具朝服侍班前一日內使
監令設

御座香案於

奉天殿如常儀尚寶卿設寶案於

御座之南侍儀司設

妃冊寶案於

皇帝寶案之南冊東寶西設主節官位於冊寶
案之東執節者立於其左差後俱西向設承制
官位於主節官之南及

丹陛上之東南設奉冊官奉寶官位於冊寶案
之西東向舉冊寶案舍人位於其後設冊寶使

位於

丹陛內道之西北面東上。又設冊寶使受冊寶

位於使者拜位之北。

丹陛下之正中。北向贊禮二人位於

丹陛上之南。東西相向。司贊二人位於使者之

北。東西相向。知班二人位於司贊之南。東西相

向。設文武百官侍立位於

文武樓之北。文東武西。東西相向。引冊寶使舍

人二人位於使者拜位之北。西立東向。引文武

班舍人四人位於文武班之北。稍後東西相向

拱衛司光祿寺官位於

奉天殿門之左右。東西相向。將軍二人位於

殿上簾前之左右。東西相向。將軍六人位於

殿門外之左右。將軍四人於

丹陛上之四隅。將軍六人於

奉天門之左右。皆東西相向。鳴鞭四人位於

丹陛上。北向是日。金吾衛陳設甲士儀仗於

午門外之東西。旗仗於

奉天門外之東西。拱衛司陳設儀仗於

丹陛

丹墀之東西。設蓋冊寶紅羅蓋二於

奉天殿前。和聲郎設樂於

丹墀之南。設而不作。擊鼓初嚴。催班舍人催百官具

朝服。道守

駕官侍從官入迎

車駕次嚴。引班引文武百官入。就侍立位。禮部

官陳冊寶綵輿於

奉天門外。陳

皇太子妃車輅儀仗冠服等物於冊寶輿之南。

引禮引冊寶使具朝服入立於

丹墀之西。以伺諸執事者各就位。三嚴侍儀奏

外辦。御用監官跪奏請

皇帝具袞冕。尚寶卿侍儀奉迎。道守從如常儀。至

奉天殿陞

御座。尚寶卿以

寶置於案。捲簾。鳴鞭。雞唱。報時訖。禮部官以冊

寶各置於案。奉冊寶官立於冊寶案之西。東向。舉冊寶案舍人立於其後。主節官立於冊寶案之東。執節者立於其南。稍後。俱西向。承制官立於主節官之南。西向。引禮引冊寶使副各就丹墀拜位。立定。贊禮唱鞠躬拜興。拜興。拜興。拜興。平身。承制官進詣

御座前跪。承制訖。興。由中門出。至

丹陛上宣制位。主節官率執節者由中門出。中陛降。立於使者之東北。西向。舉冊案舍人舉冊案。奉冊官從其後。舉寶案舍人舉寶案。奉寶官從其後。皆由中門出。校尉各擎紅羅蓋遮護冊寶。由中陛降。以冊寶案置於

丹陛下之正中。舉冊寶案舍人退。立於西。奉冊寶官立於冊寶案之東。引禮引冊寶使稍前。詣受冊寶位。北向立。承制官稱有制。贊禮唱跪。冊寶使皆跪。承制官宣制曰。冊某氏爲皇太子妃。

皇帝制命爾某持節奉冊寶行冊禮。宣制訖。執節者脫節衣。以授主節官。主節官受節。以授授冊使。授冊使搢笏跪。受節。以授執節者。執節者復受節。興。立於冊使之右。奉冊官詣冊案前取冊。西向以授授冊使。授冊使跪受冊。興。復置於案。出笏退。復位。奉冊官亦退。復位。奉寶官詣寶案前取寶。西向跪授授寶使。授寶使跪受寶。興。復置於案。出笏退。復位。奉寶官亦復位。引禮引授冊授寶使退。就拜位。北向立。承制官由西門

入。回奏訖。贊禮唱鞠躬拜。興。拜。興。拜。興。拜。興。平身。授冊寶使皆鞠躬拜。興。拜。興。拜。興。拜。興。平身。贊禮唱禮畢。舉冊寶舍人各舉案出。

奉天門。仍以蓋遮護。執節者前道寸至。

奉天門外。授冊寶使取冊寶置綵輿中。以次進發。由

午門中門出。

皇太子妃儀衛在前。次車輅。次冠服。次禮物。次冊寶輿。使者從行於後。至。

皇太子妃第。行冊禮如後儀。

妃受冊儀注

前一日。有司設使副於

妃氏大門之外。又設內使監官以下次於中門之外。設宮人次於

妃氏閣外道西。東向。設使者序立。位於大門外之東。副使及內使監官位於使者之南。執節者位於使者之北。少退。俱西向。設主昏者序立。位於大門內之西。又設使副位於中門外之東。西

向。執節者位於使副之北。設授冊寶內使監官位於使副之北。西向。設奉冊寶內使監官位於中門外之西。設主昏者位於奉冊寶內使監官之南。皆東向。贊禮二人位於中門之左右。東西相向。引使者二人位於贊禮之南。東西相向。又設

皇太子妃座於閣之正中。設冊寶案於妃座之南。設香案於閣門外之庭中。隨闕所向。設權置冊寶案於香案之前。冊東寶西。

設

皇太子妃受冊寶位於案前北向。設奉冊寶宮人二人位於

妃拜位之西。東向。設授冊寶內使監官位於冊寶案之東。西向。設傅姆二人位於

妃之左右。設宮人侍立位於傅姆之後。東西相向。設宮人拜位於庭下。重行北向。典內二人位於

於

妃拜位之北。東西相向。司贊二人位於宮人拜

位之北。東西相向。其日侵晨冊寶奉迎

皇太子妃冊寶車輅儀仗冠服禮物至

妃氏第。儀仗鼓吹列於大門外之左右。

備而陳不作

冊寶綵輿於大門外之正中。進鹵簿儀仗厭翟

車等以次列於大門外。奉冊寶使人就次。內侍

延內使監官入就次。宮人先奉

妃首飾褕翟衣入就次。儻者引主昏者朝服立

於大門內之西。內侍引內使監官序立於中門

外。引禮引冊寶使副出次。詣綵輿前取

冊寶置於案。立於大門外之東。執節者立於其北。儂者進受命。出詣使者前請曰。敢請事。使者曰。某奉制授。

皇太子妃冊寶儀物。儂者入告。主昏者曰。臣謹奉制。儂者出告。訖入引主昏者迎於大門之外。北面贊禮。唱鞠躬。拜興。拜興。平身。主昏者鞠躬。拜興。拜興。平身。使副不答拜。儂者引主昏者揖。使者先入持節者前道。舉案者次之。使副從其後。至中門外各就位。立定。持節者脫節衣。使者

詣案取冊以授。授冊內使監官。內使監官以授內侍。內侍受冊立於授冊內使監官之右。副使詣案取寶以授。授寶內使監官。內使監官受寶以授內侍。內侍受寶立於授寶內使監官之右。舉案者以案退。使副亦退。就位。內侍奉冊寶由中門入。授冊寶內使監官。後從。至閣門外以冊寶權置於案。宮人奉

妃首飾。褫翟入閣。請妃具服。傅姆。宮人內侍等道。守從。

妃出閣。傳姆在前。次宮人執扇擁護。次宮人及
內侍各擎執從其後。至閣門外。傳姆引

妃降自東階。詣香案前向

闕立。傳姆分列於左右。宮人內侍分立於其後。
內使監官稱有制。典內啓

妃拜興。拜興。妃拜興。拜興。典內啓受冊。授冊內
使監官詣案取冊進授

妃。妃受冊以授受冊宮人。宮人受冊立於

妃之左。典內啓受寶。授寶內使監官詣案取寶

進授

妃。妃受寶以授受寶宮人。宮人受寶立於

妃之左。典內啓拜興。拜興。

妃拜興。拜興。典內啓請陞座。傳姆導引

妃由東階陞。即座。宮人奉

冊寶各置於案。退立於左右。傳姆及宮人內侍
各陞立於侍立位。內侍引宮官以下各就庭下
位。重行北向立。以西爲上。司贊唱鞠躬。拜興。拜
興。拜興。拜興。平身。宮官以下皆鞠躬。拜興。拜興。

拜興拜興平身典內啓禮畢。

妃降座傅姆導引

妃還堂內主昏者禮使副如告期之儀使副乘車而還。

醮戒儀注

前期內使監設

御座於

奉天殿如常儀侍儀司設

皇太子次於

奉天殿東耳房內設

皇太子席位其席莞筵紛純如藻席績純於

奉天殿之西東向設司爵內使二人於席位之左右司饌內使二人於司爵之東皆相向設

皇太子受醮戒位於

御座之南北向設

皇太子拜位於

丹陛上北向設東宮官拜位於

丹墀之兩旁重行北向設贊禮二人位於

皇太子

丹陛上拜位之北。東西相向。知班二人位于贊

禮之南。東西相向。設文武百官侍立位於

文武樓之北。東西相向。設引文武班舍人四人

位於文武官之北。東西相向。將軍二人位於

殿上簾前。東西相向。將軍十六人於

奉天門之左右。東西相向。又將軍四人位於

丹陛上之四隅。東西相向。又將軍六人位於

奉天殿之左右。東西相向。鳴鞭四人於

丹陛上。北向。拱衛司光祿寺官對立位於

奉天殿門之左右。東西相向。是日金吾衛陳設

軍仗於

午門外之東西。旗仗於

奉天門外之東西。拱衛司陳設儀仗於

丹陛

丹墀之東西。和聲即設樂於

丹墀之南。備而不作。是日未明。東宮侍從官導從

皇太子至次。諸執事者各就位。引進啟

皇太子。

皇太子跪受饌。以饌授內使。內使跪受饌。置於

席。興立於

皇太子之左。引進啓

皇太子興。引進啓就席坐。飲食訖。引進引

皇太子立於

御座前。北向。引進啓跪。

皇太子跪。

皇帝命之曰。往迎爾相。承我宗事。勗帥以敬。

皇太子曰。臣某謹奉制

旨。引進啓俯伏興。

皇太子俯伏興。引進引

皇太子由東門出。至

丹陛上。拜位立定。贊禮唱鞠躬。拜興。拜興。拜興。

拜興。平身。

皇太子鞠躬。拜興。拜興。拜興。平身。贊禮唱

禮畢。

皇帝降座。還宮。引進引

皇太子由東階降。退出。文武百官以次出。

親迎儀注

前一日。有司設

皇太子次於

妃氏大門之外。南向。又設東宮官次於

皇太子次之南。東西相向。設

皇太子立位於大門外之東。西向。又設

皇太子奠鴈位於閣門外。北向。設主昏者立位

於閣門外之西。東向。親迎前三刻。東宮官俱朝

服。陳鹵簿鼓吹於

東宮門外。引進啓內嚴。東宮官捧寶詣閣奉迎。

拱衛司進金輅於東宮門內。引進啓外備。

皇太子冕服引進啓陛輿。

皇太子乘輿以出。侍衛擎執道。導從如常儀。至宮

門。引進啓降輿乘輅。

皇太子降輿乘輅。輅動。東宮官以下皆從。執鴈

者奉鴈從其後。

皇太子至

妃氏大門外。回轅南向。鹵簿鼓吹分列於左右。東宮官皆下馬。引進啓降輅。乘輿。

皇太子降輅陞輿。侍從道引至次。引進啓降輿。皇太子降輿入就次。東宮官各就次。

皇太子將至。主昏者設會燕女。

皇太子既入次。宮人傅姆啓

妃服褕翟花釵。前後擁護出就閣內位前。南向立。傅姆立於

妃之左右。宮人內侍分立於其後。主昏者具朝服。立於西階之下。引進引

皇太子出次。立於大門之東。西向。左右侍御如常儀。儂者朝服進受命。出立於門東。西面。曰。敢請事。引進跪啓訖。

皇太子曰。某奉制親迎。引進受命。興。承傳於儂者。儂者入告。引主昏者出迎。

皇太子於大門外之西。東向。贊禮唱鞠躬。拜。興。拜。興。平身。主昏者鞠躬。拜。興。拜。興。平身。

皇太子答拜。興。拜。興。平身。引進引

皇太子入門而左。儻者引主昏者入門而右。執鴈者從入。引進引。

皇太子陞東階。進立於閣門戶前。北向立。主昏者陞自西階。立於閣門外之西。東向。引進啓跪。皇太子跪。引進啓奠鴈。執鴈者以鴈西向跪授皇太子。

皇太子摺圭。受鴈。以授主昏者。主昏者摺笏跪受鴈。興。以授左右。退立於西。引進啓出圭。俯伏興。平身。

皇太子出圭。俯伏。興。平身。引進啓鞠躬。拜。興。拜。興。平身。

皇太子鞠躬。拜。興。拜。興。平身。引進引。

皇太子降自東階。出。至次。以伺。主昏者不降送。初。

皇太子入門。

妃毋出於閣門外。

皇太子奠鴈。位之西南向。

皇太子拜訖。宮人傅姆導。

妃出立於母左。主昏者進命之曰。戒之戒之。夙夜恪勤。毋或違命。母命之曰。勉之勉之。爾父有訓。往承惟欽。庶毋申之曰。恭聽父母之言。宮人傅姆擎執導。從

妃出門司閨啓

妃陞輿。

妃乘輿出中門司閨啓

妃降輿乘車。

妃降輿乘厭翟車。所司陳列鹵簿如式。

妃出內門至輅後。

皇太子出大門陞輅。輅動。東宮侍從官皆上馬。從行如來。

皇太子車輅至東宮門外。侍從官皆下馬入。

皇太子車輅至門內。引進啓降輅乘輿。

皇太子降輅陞輿以入。侍從官從至閤。引進啓降輿。

皇太子降輿入。俟于

內殿門外之東西面。

同牢儀注

前一日。內使監設

妃次於東宮內殿之西南向。司閨設幄於內殿之正中。設

皇太子座於幄中之東。西向。設

妃座於幄中之西。與

皇太子座相對。設

皇太子洗一於殿之東南。司巾宮人一人位於洗南。司盥宮人一人位於洗北。皆西向。設

妃以入。

皇太子先陞。司閨導

妃後陞。入

內殿。內侍引

皇太子就洗位。內侍啓盥手。宮人酌水。

皇太子盥手。內侍奏悅手。宮人以巾進。

皇太子悅手。內侍啓請

皇太子就座前。西向立。

皇太子盥手時。司閨啓請

妃詣盥洗所。司閨啓盥手。宮人酌水。

妃盥手。司閨啓悅手。宮人進巾。

妃悅手。司閨啓請

妃就座前東向立。內侍司閨各啓請

皇太子及

妃皆就座。

皇太子侍從立於幄東。

妃侍從立於幄西。司饌宮人各舉食案進於

皇太子及

妃之前。司饌以饌進。

皇太子及

妃皆食訖。司饌各徹饌。司醞宮人取爵酒進供

於

皇太子及妃。

皇太子及妃皆飲訖。司醞各徹虛爵。司饌再以

饌進。

皇太子及妃饌訖。徹饌如前。司醞再取爵酒以

進

皇太子及妃飲訖。司醞徹爵如初。

皇太子及妃三饌訖。司醞取盃酌酒以進。

皇太子及妃各受盃飲訖。司醞徹盃。內侍啓

禮畢。

皇太子及妃皆與內侍及內使監官及宮人等

導從

皇太子入宮。司閤及傳姆宮人等導從

妃入宮。內侍啓請

皇太子更禮衣。司閤啓請

妃服常服。

皇太子從者餞

妃之饌。妃從者餞

皇太子饌。

其日。

妃夙興沐浴。服榆翟首飾畢。司閤啓請出閤宮

人內侍等導從

妃出至內宮門。司閤啓請陞輅。

妃陞輅以出至內東門司閨啓請降輅內使及
傳姆導引

妃入宮障扇侍從如常至

內殿階下內使監令入奏

皇帝服通天冠絳紗袍即

御座南向左右侍從如常司閨引

妃入詣庭前北面立內贊贊拜興拜興

妃拜興拜興司閨引

妃自西階陞宮人奉棗栗同陞至

御座前宮人以棗栗進授

妃妃受棗栗進奠於

御座前尚食進徹以東司閨引

妃降自東階復位北面立內贊贊拜興拜興

妃拜興拜興內贊贊禮畢司閨啓請

妃至

皇后殿傳姆宮人等道從如前至

皇后所御殿立於閣外尚宮奏

皇后褙衣首飾即南向座左右侍御如常儀司

閨引

妃入詣殿庭位北面立。內贊贊拜興拜興。

妃拜興拜興。司閨引

妃由西階陞。宮人奉服脩以從。至

皇后御座前。北向立。宮人奉服脩進授

妃。妃受服脩進供於

皇后座前。尚食進徹。以東。司閨引

妃降復位。內贊贊拜興拜興。

妃拜興拜興。內贊贊禮畢。傳姆導

妃退。

皇帝

皇后醴妃如宮中之儀。

盥饋儀注

其日。

妃夙興沐浴。服褕翟衣首飾。司閨啟請出閣。宮

人內侍傳姆等導從

妃出閣。至內宮門外。司閨啟乘車。

妃乘厭翟車以出。至內東門。司閨啟請降車。內

使及傳姆導引

妃入宮障扇侍從如常儀至

皇帝閣外候

皇帝進膳司閏引

妃入立於庭北面內贊贊拜興拜興

妃拜興拜興司閏引

妃陞自西階至

御座前尚食宮人以膳進授

妃妃受膳進供於

皇帝前司閏引

妃降自西階復位內贊贊拜興拜興

妃拜興拜興內贊唱禮畢司閏啓請至

皇后殿傳姆宮人內侍等引

妃詣

皇后所御殿立於閣外候

皇后進膳司閏引

妃入立於庭北面內贊贊拜興拜興

妃拜興拜興司閏引

妃由階陞。至

皇后前。尚食宮人以膳進授

妃。妃受膳進供於

皇后前。司閨引

妃降自西階。復位。內贊贊拜。興。拜。興。

妃拜。興。拜。興。內贊唱禮畢。司閨引

妃出閣。

皇帝

皇后饗

妃如朝見之儀。



大明律疏 卷三十一 三十一

臨軒遺使門

門

門

集禮卷二十六

將軍

將軍

將軍

將軍

將軍

將軍

將軍

位立侍官文

武官侍立位



引班舍人

引班舍人

納采

問名納吉納成請期同

集禮卷二十六五十三



親迎 親王 目

吹鼓簿内

位者皇主

皇太子權位

皇太子金鑲高冠

皇太子權位

吹鼓簿内

皇太子權位

皇太子權位

皇太子權位

皇太子權位

集禮卷二十六 五十五

皇太子權位

皇太子權位

讀實内使

皇太子權位

皇太子權位

皇太子權位

皇太子權位

皇太子權位

皇太子權位

皇太子權位

皇太子權位

皇太子權位

皇太子權位

皇太子權位

皇太子權位

讀實内使

皇太子權位

皇太子權位

皇太子權位

皇太子權位

朝見 盥饋同

司馬 傳 象 皇太子妃 司馬 婦 服備

集禮卷之六十五



司馬

皇太子妃

司馬

司馬

朝見
皇后圖



儀禮卷二十六

大明律例

卷之三十一

三十一

